

# HO FALLA HA PLATFOMO YA DITSHEBELETSO TSA ELEKTRONIKE TSA SARS

**Pretoria, Mantaha 8 Mmesa 2019** – SARS e tla fallela platfomong e ntjha bakeng sa ditshebeletso tsa yona tsa elektronike ka Mmesa 2019.

Platfomo ena e ntjha le e tshepahalang e na le theknoloji ya moraorao tjena e akaretsang ho ntjhafatswa ha marangrang a theknoloji a SARS.

Ena ke karolo ya leeto la rona la ho tlisa diphelelo tsa dijithale, sena se lebelletswe hore se tise menyetla e mengata ya ditharollo tse nang le boqapi ho tshahetsa thomo ya rona ya ho nolofaetsa balefalekgetho ba rona tsa lekgetho mmoho le ho ba sireletsa le hore ba tsebe ho ikobela tefo ya lekgetho.

Ho falla hona ho lebelletswe ho etsahala ka Labohlano, 12 Mmesa ho tloha ka 17:00 ho fihlela ka Labobedi, 16 Mmesa ka 06:00.

Ka nako ya ho falla hona, mekgwatshebetso ena e latelang ya SARS e tla ameha:

- SARS eFiling le SARS eFiling app (ho akareditswe le dingodiso, ho faela, tefo le bokgoni ba ho hlomathisa ditokomane tsa tshahetsa)
- e@syFile™ Employer (ho akareditswe le bokgoni ba ho hlomathisa ditokomane tsa tshahetsa tsa Bolaodi ba Meedi)
- Websaete ya SARS

Motjha wa Customs Electronic Data Interchange (EDI), e leng kanale e ka sehloohong le ya mantlha ya elektronike e sebediswang ke ditlalaente tsa Bolaodi ba Meedi ho buisana le SARS, e ke ke ya angwa ke sena.

Ditlalaente tsa SARS di kgothaletswa ho phethela ditransekshene tsohle tse mekgwatshebetsong ena pele ho falla hona ho qala. Le ha ho le jwalo, ditransekshene tse potlakileng tse lokelang ho etswa ka nako ena di ka etswa ka letsoho makaleng a SARS a tsa lekgetho le a bolaodi ba meedi ka nako ya dihora tsa tiwaelo tsa tshebetso.

Bakeng sa dipotso tse ding, ka kopo ikopanye le [sarsmedia@sars.gov.za](mailto:sarsmedia@sars.gov.za) kapa o letsetse Sandile Memela ho 082 800 3750.